


Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede,  
infrastrukture, prostornog uređenja,  
građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне привреде,  
инфраструктуре, просторног уређења,  
грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure,  
Physical Planning Construction and  
Environmental Protection

Broj: 01-04-38989-30/21  
Sarajevo, 05.11.2021. godine

**SKUPŠTINA KANTONA SARAJEVO**  
N/r. gosp. Elvedin Okerić, predsjedavajući  
- O V D J E -

**PREDMET:** Dostava odgovora na zastupničku inicijativu – zastupnica gđa. Segmedina Srna Bajramović

Zastupnica u Skupštini Kantona Sarajevo gđa. Segmedina Srna Bajramović, u skladu sa članom 213. stav 1. Poslovnika Skupštine Kantona Sarajevo, dana 02.11.2021. godine, uputila je zastupničku inicijativu:

“Inicijativa Uredu za borbu protiv korupcije da u saradnji sa resornim ministarstvom i nadležnom inspekcijom prikupi sve informacije kako bi se utvrdila zakonitost ishoda dokumentacije za skladište kerozina na Dobrinji, s aspekta potencijalnih koruptivnih aktivnosti.

Više je nego evidentno da građani vrlo jasno i javno ukazuju kako se radi o bespravnoj i nelegalnoj gradnji vrlo opasnog skladišta kerozina, što smo dužni detaljno provjeriti u smislu provođenja zakonom definisanih procedura.

Takođe, pozivam nadležno ministarstvo da po funkciji nadzora dostavi svu neophodnu dokumentaciju sa svoje strane, te učini sve kako bi se navedeni projekat preispitao, jer profit bilo koga u ovoj zemlji ne smije biti ispred sigurnosti naše djece i zdravlja svih nas.

Očekujem od nadležnih da održe sastanke sa građanima koji već mjesecima pokušavaju upozoriti institucije ove zemlje kako su njihova ljudska prava ugrožena.”

**ODGOVOR:**

U skladu sa dostavljenom inicijativom, obavještavamo vas, da je ovo Ministarstvo vodilo upravni postupak po zahtjevu društva „HIFA-OIL“ d.o.o. Tešanj, ul. Bukva 10, 74260 Tešanj za izdavanje okolinske dozvole za izgradnju terminala za kerozin i benzinske pumpe sa pratećim



web: <http://mkipgo.ks.gov.ba/>  
e-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1



sadržajima, u sklopu kompleksa „Hifa-Oil Aerodrom“, u ul. Kurta Schorka bb., Općina Novi Grad, 71000 Sarajevo, na zemljištu označenom kao k.č.broj 2611/3, dio 3169/2, 2613/2, 2615/2, 2628/2, 2616/2 K.O. Dobrinja po novom premjeru, što odgovara k.č.broj 2611/3, 1416/4, 1416/3, 1445/3, 1416/1 K.O. Gornji Butmir po starom premjeru.

Nakon završenog upravnog postupka, društvu „HIFA-OIL“ d.o.o. Tešanj, ul.Bukva 10, 74260 Tešanj izdata je okolinska dozvola broj 05-19-14032/20 od 08.07.2021. godine, za izgradnju terminala za kerozin i benzinske pumpe sa pratećim sadržajima, u sklopu kompleksa „Hifa-Oil Aerodrom“, u ul. Kurta Schorka bb., Općina Novi Grad, 71000 Sarajevo.

Dana 28.10.2021.godine ovo Ministarstvo je zaprimilo akt broj 20-04-18-2043/21 od 20.10.2021. godine, upućen od strane Ureda za borbu protiv korupcije i upravljanje kvalitetom KS, sa zahtjevom za dostavu dokumentacije i podataka vezanih za izgradnju benzinske pumpe i terminala za kerozin sa pratećim sadržajima u sklopu kompleksa „Hifa-Oil Aerodrom“, u ul. Kurta Schorka bb., Općina Novi Grad, 71000 Sarajevo, investitora „Hifa-Oil“ d.o.o. Tešanj.

U skladu sa navedenim zahtjevom, ovaj organ je dana 28.10.2021. godine dostavio akt Uredu za borbu protiv korupcije i upravljanje kvalitetom Kantona Sarajevo, kojim smo isti upoznali sa cijelim tokom upravnog postupka izdavanja okolinske dozvole, te smo im istovremeno dostavili i Rješenje o izdavanju okolinske dozvole broj 05-19-14032/20 od 08.07.2021. godine.

Dana 01.11.2021. godine u prostorijama Ministarstva je održan sastanak na kojem su prisustvovali neformalna grupa građana, predstavnik udruženja „Eko akcija“ i predstavnici Ministarstva, te su se tom prilikom upoznali sa tokom izdavanja okolinske dozvole za izgradnju benzinske pumpe i terminala za kerozin sa pratećim sadržajima, u sklopu gore navedenog kompleksa „Hifa-Oil Aerodrom“, u ul. Kurta Schorka bb., Općina Novi Grad, 71000 Sarajevo, investitora „Hifa-Oil“ d.o.o. Tešanj.

Takođe, u skladu sa odredbama Zakona o slobodi pristupa informacijama u Federaciji Bosne i Hercegovine („Sl.novine Federacije BiH“, broj 32/2001 i 48/11), ovo Ministarstvo je na zahtjev za pristup informacijama, u vezi gore navedenog projekta, dana 28.10.2021. godine dostavilo tražene informacije i podatke, koje se odnose na izdavanje okolinske dozvole, slijedećim fizičkim licima i udruženjima: gosp.Amar Taso, Udruženje „Eko-akcija“ i „Transparency International“ Bosne i Hercegovine.

S poštovanjem,

  
**MINISTAR**  
Enver Hadžiahmetović, dipl.ing.maš

Dostaviti:

- naslov
- Vlada Kantona Sarajevo
- evidencija x2
- a/a



web: <http://mkipgo.ks.gov.ba/>  
e-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1

